

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Na osnovu člana 4. Odluke o utvrđivanju kriterija, uslova i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih broj: 02/1-05-21102-3/11 od 17.11.2011. godine, Vlada Tuzlanskog kantona, raspisuje

JAVNI POZIV
za raspodjelu sredstava sa potrošačke jedinice 11010024-
subvencioniranje kamata za stambeno zbrinjavanje mladih

I

Raspisuje se javni poziv za raspodjelu sredstava sa potrošačke jedinice 11010024 - subvencioniranje kamata za stambeno zbrinjavanje mladih za 2011. godinu.

Raspodjela sredstava za subvencioniranje kamata za stambeno zbrinjavanje mladih vršit će se u skladu sa Budžetom Tuzlanskog kantona za 2011. godinu i Zakonom o izvršenju Budžeta Tuzlanskog kantona za 2011. godinu, u ukupnom iznosu do 50.000,00 KM.

Pod subvencioniranjem kamata podrazumijeva se odobravanje novčanih sredstava na ime kamata za odobrene kredite za rješavanje stambenih potreba mladih.

Podnosilac zahtjeva nema riješeno stambeno pitanje, ukoliko on ili članovi porodičnog domaćinstva nisu nosioci stanarskog prava, vlasnici stana ili useljive porodične kuće na teritoriji Bosne i Hercegovine do dana zaključenja ugovora o kreditu za stambeno zbrinjavanje.

Članovima porodičnog domaćinstva u smislu ove Odluke smatraju se bračni drug, djeca rođena u braku i van braka i usvojenici.

II

Opći uslovi koje podnosilac prijave za dodjelu sredstava treba ispuniti su:

- (1) da ima manje od navršenih 35 godina života u godini u kojoj podnosi prijavu,
- (2) da nema riješeno stambeno pitanje na teritoriji Bosne i Hercegovine u smislu stava 4. tačke I ovog Javnog poziva,
- (3) da posjeduje ugovor sa bankom o kreditu za stambeno zbrinjavanje,
- (4) da je državljanin Bosne i Hercegovine,
- (5) da ima mjesto prebivališta na području Tuzlanskog kantona,
- (6) da do momenta apliciranja ima urednu otplatu kredita prema planu otplate.

III

Posebni uslovi i kriteriji za ocjenjivanje, odnosno određivanje broja bodova i utvrđivanje reda prvenstva podnosioca prijave su:

1. Step en stručne spreme
2. Priznati uspjesi u oblasti nauke, tehnike, kulture, umjetnosti, informisanja i sporta, te renomirana javna priznanja

3. Učešće u oružanim snagama
4. Nosioc ratnog priznanja
5. Član porodice šehida, poginulog, umrlog, nestalog borca i umrlog ratnog vojnog invalida
6. Stepen invalidnosti
7. Broj članova porodičnog domaćinstva
8. Zajedničko apliciranje bračnih drugova.

IV

Određivanje broja bodova se vrši na slijedeći način:

1. Stepen stručne spreme

doktor nauka	20 bodova
magistar	17 bodova
VSS	14 bodova
VŠS	11 bodova
V stepen	8 bodova
SSS	5 bodova

1.1. Učenik generacije srednje škole i/ili Zlatna plaketa Univerziteta 2 boda

Na broj bodova iz tačke 1. dodaje se broj bodova iz podtačke 1.1.

Navedena stručna sprema podrazumijeva i odgovarajući ekvivalent u skladu sa Odlukom o usvajanju osnova kvalifikacijskog okvira u Bosni i Hercegovini.

2. Priznati uspjesi u oblasti nauke, tehnike, kulture, umjetnosti, informisanja i sporta, te renomirana javna priznanja za rezultate rada

Pod renomiranim priznanjima i nagradama se podrazumijeva osvojena I, II ili III nagrada u oblasti nauke, tehnike, kulture, umjetnosti i informisanja odnosno I, II ili III mjesto na službenim međunarodnim i državnim takmičenjima u oblasti sporta (Olimpijske igre; svjetska i evropska prvenstva; Mediteranske igre; svjetski i evropski kupovi; Svjetske igre; svjetske, evropske i međunarodne lige koje se boduju za prvenstva i službene rang-liste službenih međunarodnih organizacija pojedinih grana sporta, odnosno ostvarena vrhunška dostignuća u navedenim oblastima u životnoj dobi od 15 – 35 godina).

2.1 Dobitnik svjetskih renomiranih priznanja i nagrada u oblasti nauke, tehnike, kulture, umjetnosti, informisanja i sporta 20 bodova

2.1.1. Osvajač prvog mjesta/nagrade 5 bodova

Na broj bodova iz tačke 2.1. dodaje se broj bodova iz podtačke 2.1.1.

2.2 Doprinos kroz patente dokazane ili certificirane od strane ovlaštenih institucija i doprinos u nauci, tehnici i tehnologiji kroz inovacije dokazane ili certificirane od ovlaštenih institucija 20 bodova

2.3 Dobitnik evropskih renomiranih priznanja i nagrada u oblasti, nauke, tehnike, kulture, umjetnosti, informisanja i sporta 15 bodova

2.3.1. Osvajač prvog mjesta/nagrade 2 boda

Na broj bodova iz tačke 2.3. dodaje se broj bodova iz podtačke 2.3.1.

2.4 Dobitnik renomiranih priznanja u državnim ili regionalnim okvirima u oblasti nauke, tehnike, kulture, umjetnosti, informisanja i sporta 10 bodova

2.4.1. Osvajač prvog mjesta/nagrade 1 bod

Na broj bodova iz tačke 2.4. dodaje se broj bodova iz podtačke 2.4.1.

2.5 Objavljen udžbenik, odobren od nadležnih institucija za upotrebu u obrazovnim ustanovama

2.5.1. samostalno 5 bodova

2.5.2. koautorstvo 2 boda

Maksimalan broj bodova po tački 2.5. iznosi 10 bodova.

3. Učešće u oružanim snagama RBiH

Vrijeme provedeno u odbrambeno-oslobodilačkom/domovinskom ratu od 18.09.1991. do 23.12.1995. godine 10 bodova

- za svaku godinu učešća u Oružanim snagama RBiH 2 boda

- za svaku nepunu godinu učešća u Oružanim snagama RBiH, pod uslovom da to iznosi najmanje tri mjeseca 1 bod

4. Nosioc ratnog priznanja

Nosilac ratnog priznanja, u smislu člana 2. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05) 10 bodova

5. Član porodice šehida, poginulog, umrlog, nestalog borca i umrlog ratnog vojnog invalida 10 bodova

Član porodice šehida, poginulog, umrlog, nestalog borca i umrlog ratnog vojnog invalida u smislu ove Odluke smatra se aktivni korisnik prava na porodičnu invalidninu, na osnovu konačnog rješenja nadležnog organa izdatog u skladu sa važećim federalnim propisima iz oblasti boračko – invalidske zaštite.

6. Stepen invalidnosti

- za invalide sa 60% invaliditeta 5 bodova

- za svakih narednih 10% invaliditeta dodaje se 5 bodova

7. Broj članova porodičnog domaćinstva

Za svakog člana porodičnog domaćinstva, uključujući podnosioca prijave 3 boda

8. Zajedničko apliciranje bračnih drugova

Bračni drugovi apliciraju zajedno jednom prijavom. U slučaju da oba bračna druga posjeduju ugovor o kreditu, potrebno je odrediti nosioca prijave i o istom dostaviti izjavu potpisanu od strane oba bračna druga. U slučaju zajedničkog apliciranja bračnih drugova nosilac prijave dostavlja Izvod iz matične knjige vjenčanih.

Nosilac prijave obavezno i za bračnog druga dostavlja propisanu dokumentaciju o ispunjavanju općih i posebnih uslova, osim uslova o posjedovanju ugovora o kreditu za stambeno zbrinjavanje.

Broju bodova koje dobije nosilac prijave dodaje se jedna trećina bodova koje dobije njegov bračni drug.

V

Dodjela sredstava vršit će se po utvrđenoj rang listi do visine raspoloživih sredstava planiranih u Budžetu Tuzlanskog kantona za 2011. godinu. Pojedinačni iznos sredstava na ime

subvencioniranja kamata jednak je ukupnom iznosu kamate obračunate u 12 uzastopnih mjesečnih rata prema Planu otplate, počev od 01.01.2012. godine. Pojedinačni iznos sredstava ne može preći iznos od 3.000,00 KM. U slučaju jednakog broja bodova prednost na rang-listi se daje podnosiocu zahtjeva koji je dobio veći broj bodova prema redoslijedu kriterija iz tačke III ovog Javnog poziva.

VI

Uz prijavu na Javni poziv za subvencioniranje kamata kandidati su dužni priložiti sljedeće isprave i dokazi o ispunjavanju općih i posebnih uslova, odnosno kriterija:

- Izvod iz matične knjige rođenih ili ovjerena kopija CIPS-ove lične karte
- Uvjerenje o državljanstvu
- CIPS obrazac BPA3
- Ugovor o kreditu sa Planom otplate
- Potvrda od banke da do momenta apliciranja postoji uredna otplata kredita
- Ovjerena izjava podnosioca prijave da on ili članovi porodičnog domaćinstva nisu nosioci stanarskog prava, vlasnici stana ili useljive porodične kuće na teritoriji Bosne i Hercegovine do dana zaključenja ugovora o kreditu za stambeno zbrinjavanje
- Ovjerena izjava bračnog druga da nije nosilac stanarskog prava, vlasnik stana ili useljive porodične kuće (ukoliko je riječ o zajedničkom apliciranju bračnih drugova)
- Ovjerena kopija odgovarajuće diplome, svjedodžbe ili uvjerenja
- Uvjerenje izdato od strane nadležnog organa o učešću u oružanim snagama RBiH
- Rješenje o dobijanju ratnog priznanja izdato od strane nadležnog organa
- Rješenje o članu porodice šehida, poginulog, umrlog, nestalog borca i umrlog ratnog vojnog invalida izdato od strane nadležnog organa
- Rješenje o stepenu invalidnosti izdato od strane nadležnog organa
- Ovjerena izjava o zajedničkom domaćinstvu (kućna lista)
- Izvod iz matične knjige vjenčanih (u slučaju zajedničkog apliciranja bračnih drugova)
- Ispravu, odnosno mišljenje nadležne institucije iz pojedinih oblasti (Rektorat odgovarajućeg univerziteta, Akademija nauka i umjetnosti Bosne i Hercegovine, Sportski savez Bosne i Hercegovine i sl.) o ispunjavanju posebnih uslova iz tačke IV podtačka 2. ovog Javnog poziva

Uredne dokaze o ispunjavanju općih i posebnih uslova ponosilac prijave dostavlja u originalu ili ovjerene fotokopije dokumenata koji nisu stariji od tri (3) mjeseca.

VII

Javni poziv se objavljuje u dnevnim novinama «Oslobođenje», RTV TK i na zvaničnoj Web stranici Vlade Tuzlanskog kantona, www.vladatk.kim.ba.

Prijave na Javni poziv za raspodjelu sredstava se dostavljaju u roku od 15 dana od dana objave u dnevnim novinama.

Prijave na Javni poziv sa potrebnom dokumentacijom mogu se slati putem pošte ili predati direktno na pisarnicu Ureda za zajedničke poslove kantonalnih organa Tuzlanskog kantona, na adresu:

Vlada Tuzlanskog kantona

Savjet za nevladin sektor i pitanja mladih Vlade Tuzlanskog kantona

Uz naznaku: „Prijava na javni poziv za raspodjelu sredstava sa potrošačke jedinice

11010024-subvencioniranje kamata za stambeno zbrinjavanje mladih

Ul. Slatina br. 2 Tuzla

Neblagovremene ili nepotpune prijave neće biti razmatrane.